



















# LETTRE D'VN

GENTIL HOMME FRAN-  
cois,escrites à Tours,le 29.Auril.1589.  
Enuoyees à vng Seigneur Catholi-  
que de la ville de Paris.

*Contenant au vray , l'estat & succez des entre-  
prises, de Henry de Valois,contre l'Eglise Ca-  
tholique:& la Tyrannie par luy exercée sur les  
Catholiques de Tours.*

Pour seruir d'exemple,aux villes  
qui le receuront.



A PARIS.

PAR ROLIN THIERRY.

M. D. LXXXIX.

LETTER

Case

THE NEWBERRY

LIBRARY

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

1589k3

## LETTRE D'VN

GENTIL HOMME FRAN-

cois escripte à Tours, le 29. Avril 1589. &  
enuee à Paris a vng sien amy sur ce qui s'est  
passe en France, depuis le massacre & empri-  
sonnement des Princes & Seigneurs Catholi-  
ques iusques audit iour 29. Avril.



Monsieur le peril ou ie voy  
la religion Catholique, si  
Dieu par sa sainte prou-  
dence n'y tend la main, me  
font vous escrire ceste pre-  
sente, par laquelle vous cognoistrez l'affec-  
tion q' i'ay au bié de ma patrie, & au sou-  
lagement du pauvre peuple, miserable-  
ment affligé, tant par les desordres de ces  
guerres ciuiles, q' par le mauuais mesna-  
ge du Roy, qui me fait croire qu'il est im-  
possible que iamais il se remette en au-  
thorité, veu les grands & puissans enne-  
mis qu'il a acquis despuis les massacres  
de Bloys, qui ont esté commis avec au-  
tant d'iniustice que la cause des Princes  
auoit de fidelité en soy, & neantmoins il  
semble: que par vng secret iugement de

Dieu il ayt les yeux bandez à sa propre ruine. Car il n'a iamais monstre, qu'il eut aucun remors de conscience, d'un si grand forfait, qu'au contraire: il a recompensé les assassinateurs, de tout ce quil a peu, ayant faict le Gast Cappitaine du chasteau d'Amboise, la Bastide Colonel d'un regiment de gens de pied, & l'Archât eut l'argent qui prouint de la vente des meubles de Monsieur le Cardinal de Guise, les Conseilliers du meurtre, qui estoient au cabinet, ont eu part a ce gasteau, tant qu'il a esté au pouuoir du Roy de les recompenser. Car les villes vnies se garderont bien de cōmettre leurs biens, a la garde de celuy qui en a esté si mauuais administrateur. Neantmoins Cypierre, eut six mille escus quand il partit, avec d'Antragues, pour aller assieger Orleans, où il a faict tant de prouesses, que s'il ne les augmente il ne fera iamais mis au rang des neuf Preux. Car ils furent cōtraints de leuer le siege, avec vne grande honte, aussi a la verité l'entreprise estoit temeraire, veu qu'Orleãs est bastât pour soustenir vng siege de trente mille hommes, le vous laisse a pēser, que pouuoient faire



faire deux mille hōmes, la pluspart tous nudz, desquelz les habitās se mocquoyēt & faisoient tous les iours trois ou quatre sorties, a leur veue, avec cinquante cuirasses, & deux cens arquebusiers. Vous pouuez voir par cela quel succez a eu le cōseil de d'Antragues, qui auoit promis de rendre Orleans, a la deuotion du Roy vingt quatre heures apres le massacre. I'ay sceu du secretaire Reuol, que le Roy enuoyoit Alfonce Corse a Lyon, pour executer quelque braue entreprise, laquelle deuoit estre teue, iusques apres l'execution d'icelle, pour recompense de laquelle sa Majesté. ( voyci ces propres mots) luy donneroit le gouuernement de Lyonnois, & l'estat de Mareschal de France, duquel le Mareschal d'Aumont se vouloit deuestir, souz le bon plaisir du Roy. Il en courust de diuers bruits en ceste Cour ausquels ie n'adiouste foy, sinon en tant qu'ils sont conformes a ce qui est aduenü depuis, les vns disoyent que c'estoit pour assassiner Monsieur de Mayenne, les autres que c'estoit pour se saisir de Lyon, mesmes que plusieurs des Citoyens qui y auoyent commandement estoient

estoyent de l'entreprinse : le Roy s'y de-  
 uoit rendre quelques iours apres , pour  
 donner ordre disoit-on aux affaires du  
 Dauphiné , & de Languedoc, d'autres &  
 plus probablement , disent que le Roy  
 faisoit estat de Lyon, plus que de ville de  
 son Royaume, & qu'icelle estant mainte-  
 nue en deuoir , les autres prochaines y  
 prendroyent exemple , & lesperance que  
 les Politiques d'icelle luy en auoyent  
 dōnée, adoucissoit la fascherie quil auoit  
 de l'vñion des villes de Paris , Rouen,  
 Amiens, Orleans, & autres bonnes villes  
 desquelles il ne peut esperer aucun se-  
 cours. loinct que estāt a Lyon, il pouuoit  
 auoir de grandes commoditez pour l'a-  
 cheminement de ses affaires. Premiere-  
 ment il pouuoit faire quelques fons de  
 deniers, tant de ceux de la Doane que de  
 la recepte generale , outre l'argent quil  
 eust leué par force sur les habitans, prin-  
 cipalement sur les plus gens de bien &  
 les plus zelez a la Religion Catholique,  
 qui ont esté baptizez par luy du nom de  
 Guyfars, & Ligueurs. Il nestoit pas loing  
 du Dauphiné d'ou il pouuoit tirer se-  
 cours , du Passage, & le Barō de la Roche  
 se

sainct Iean douziésme. Dauantage ces paroles du mesme Sauueur se rapportét à ce que dessus, quand il dit. Mainténât le Prince du monde sera chassé dehors, au mesme chapitre 12. de S. Iean. Souz le nom duquel Prince du monde est entendu le Diable, cōme nostre Seigneur le declare en sainct Iean dixiésme & 14. chapitre. Ce que prouue & demonstre apertement monsieur sainct Iean, à sçauoir que souz ce nom de Prince du monde, le Diable est entendu, duquel les œuures & Royaumes serōt destruits & renuersez par nostre Seigneur, quand il dit en sa premiere Canonique troisiésme chapitre. Le fils de Dieu, dit-il, s'est monstré, & est venu pour destruire les œuures du Diable. Or ceste principauté du Diable deuoit estre destruite, & aneantie par nostre Sauueur, en vertu de sa passion, laquelle deuoit estre faicte en la croix, selon qu'il auoit esté predit par le Prophete Esaie, Et la principauté, dit-il, a esté faicte sur son espaule en Esaie 9. chapitre. Or quand le Diable s'est apperceu, & a cogneu que son empire & principauté deuoit de brief pré-



dre fin, il a commencé à traicter plus  
 cruellement & rudement ceux sur les-  
 quels il regnoit & auoit domination,  
 ayans ce merité premierement par leur  
 faute & deprauation, & comme estans  
 desesperez, & enfans de desespoir & de  
 tenebres, il a exercé sa fureur en leur  
 endroit, sans aucune misericorde, pi-  
 tié & relasche: d'autant que quant à luy  
 il n'a aucune repentance des crimes, &  
 excez qu'il a commis sans nombre, &  
 aucune mesure: & ce qu'il en a fait, c'e-  
 stoit afin de les induire à se retirer de  
 leur Createur, par ceste violēce & tour-  
 mens, pour auoir des compaignons en  
 meschanceré, & les faire tres-bucher a-  
 uec luy aux peines eternelles, n'estoit  
 que Dieu les regardast en pitié, & les  
 fist reuenir en leur bon sens apres leur  
 aueuglement & deprauation. D'où viēt  
 que nous lisons souuent dans le volume  
 & registre des sacrez Euangiles, que les  
 diables ont dit à nostre Seigneur: Pour-  
 quoy estes vous venu nous tourmen-  
 ter deuant nostre temps? en S. Matth.  
 8. leur faisant mal de sortir hors des  
 corps de ceux qu'ils possedoient du  
 droict.



droict. Et ce sont les voix & paroles  
qu'ils tenoient, quand par la puissance  
& commandement de nostre Sauueur,  
il falloit qu'ils quittassent les personnes  
qu'ils possedoient, les ayant pris en pos-  
session, comme dit est, à l'occasion de  
leurs pechez, à ce que toutesfois quant  
est de la part de Dieu, qui permettoit  
aux Diables le posseder afin q̄ leur e-  
sprit fust sauué, ainsi q̄ vo<sup>r</sup> lisez, qu'en la  
primitiue Eglise, monsieur S. Paul en  
a liuré aucuns en la puissance du Diable,  
quāt au corps, afin de sauuer leurs ames:  
Dieu par sa prouidence permettant le  
tout, afin que tel tourment leur ouurist  
l'entendement, & qu'ils reuinssent à soy  
si d'aventure ils n'estoient du tout don-  
nez en sens reprouué. Les Diables pour  
lots deschiroiēt les corps de ceux qu'ils  
possedoient: Pourautant qu'il falloit  
que bō gré, mal gré, ils quittassent leurs  
hostes, qu'ils ne les trauaillassent plus,  
& ne prissent plus possession d'iceux, &  
disoient ou biē heurloient v sans de ces  
mots à nostre Seigneur, nous sçauons  
que vous estes fils de Dieu, en S. Matth.  
8. saint Marc 3. & 5. & saint Luc 4. Or

comme ainsi soit que les iniques, impies & meschās, ont le diable pour leur Capitaine & conducteur, ainsi qu'enseigne monsieur S. Gregoire le grand, Homelie seiziesme sur les Euangiles, & sont appelez les enfans ceux qui s'addonnēt à impietē & meschancetē, c'est pourquoy aussi ils tiennent de luy en leurs actions & deportemens presque tousiours, & nommément en ce qu'ils s'estudient molester & trauailler les gens de bien, & bons seruiteurs de Dieu.

OR il faut sçauoir & apprendre vne reigle, que tout ainsi comme d'autant plus que quelques-vns approchent de Dieu, ils sont rendus & faits semblables à iceluy, & l'ensuyuent les vns plus que les autres, selon qu'ils sentent en leurs cœurs estre faicte vne fontaine de ceste eauē viue, de laquelle parle nostre Seigneur en S. Iean quatriesme chapitre, afin que leur conuersation soit au ciel, & qu'ils estiment estre vn bien que d'estre ioinēts avec Dieu, au Psal. 72. & sauouer les choses cœlestes, non celles lesquelles sont sur la terre, comme dit saint Paul aux Colo-

siens 3. Aussi d'autant qu'une personne approche du Diable & se joint à iceluy, il receuera ses influences & sera imbué de sa doctrine, il l'ensuivra, il démontrera qu'il sera de son party, & sera semblable à iceluy. Laquelle chose combié que sans aucune doute l'on puisse apercevoir & descouvrir en toute personne priuée: ce neantmoins on l'appërçoit mieux, & se descouure plus manifestement és grands, lesquels comme ainsi soit qu'ils ont receu de la part de Dieu, plus que les autres hommes, & ont plus de charge, laquelle Dieu leur a baillée & cōmise, certainement ils deutoient plus soigneusement chercher l'alliance de Dieu, & se joindre avec iceluy: car d'autant plus qu'ils sont chargez, & ont plus receu, ils ont plus à rendre compte en S. Luc septiesme. Que s'ils s'oublient tant, & que l'entendement leur defaille en ce cas, estans semblables à ceux desquels parle Dauid au Psalme 106. pour s'amuser à debattre de leurs grandeurs, tant qu'ils ne prennent garde à ce que dit le mesme Dauid: Et vous maintenant Rois entendez, soyez apris qu'estes Iu-



ges de la terre, seruez à Dieu en crainte, & vous resiouyſſez en iceluy avec tre-  
meur, au Pſalme deuxieſme: Et ce qui  
eſt eſcrit aux Prouerbes huiſtième: Par  
moy les Rois regnent, & que le tres-  
haut a la domination ſur le Royaume  
des hommes, en Daniel quatrieſme, &  
qu'il donne iceluy à qui luy plaist, &  
que Dieu eſt le Roy des Rois, & le ſei-  
gneur des Seigneurs, en l'Apocalypſe  
19. certainement à faute de conſiderer  
ces choſes cy deſſus mentionnees & au-  
tres ſemblables, d'autant qu'ils euſſent  
eſté proches de Dieu, & plus aggre-  
ables, prenans garde à ce que deſſus, au  
moyen d'une bonne & ſaincte vie, telle  
qu'il appartiendroit bien à leur eſtat, &  
qu'ils euſſent eſté aggreables à iceluy,  
ils s'eſloignēt, & ſont hays d'iceluy, &  
luy ſont odieux. D'où vient que n'eſtāſ  
iouyſſans de ce biē duquel eſtoit iouyſ-  
ſant le ſainct perſonnage Dauid, qui di-  
ſoit à Dieu: Seigneur, vous auez tenu  
ma main dextre, & vous m'auēz con-  
duit ſelon voſtre volonte, au Pſalme 72.  
ils ſont tenus captifs du Diable, pour  
eſtre conduits par iceluy ſelon ſa volō-

té, comme ceux desquels parle mōsieur  
sainct Paul, en la seconde à Timothee,  
chapitre second. Entre lesquels à bon  
droict, & nō à faux tiltres & enseignes,  
vn Henry de Valois troisieme de ce  
nom, jadis Roy, & cruel tyran de la  
France, a tenu l'vn des premiers lieux &  
rangs, & on ne luy fera tort, quand on  
dira de luy qu'il a esté le fils aîné du  
Diable, en la maniere que monsieur S.  
Polycarpe Euesque de Smyrne, & Di-  
sciple de sainct Iean l'Euangeliste, a dit  
à Marcion l'Heretique, Je te recognois  
pour le fils aîné de Sathan. Car com-  
me ainsi soit que ce Henry de Valois ait  
esté autrefois le fils aîné de nostre me-  
re sainte Eglise, s'il faut auoir recours à  
ses ancestres Rois, qui ont esté ainsi ap-  
pellez, tenus & reputez par nos saints  
Peres les Papes, pour auoir les premiers  
entre les Rois receu la foy Catholique,  
comme pour exemple nous pouuons  
mettre en jeu le premier Roy Chrestie  
de France, nommé Clouis, ceste foy  
ayant esté entretenue soigneusement,  
par ceux qui ont esté apres luy Rois,  
iusques à Henry de Valois: certainemēt

puis qu'il a effacé ceste prerogatiue, &  
 l'a foulée aux pieds, n'en a tenu cōpte,  
 l'a mis en oubly, adherant aux Hereti-  
 ques, les fauorifant plus que les Catho-  
 liques, desquels toutesfois il auoit iuré  
 qu'il seroit le protecteur, lors qu'il fut  
 couronné & sacré Roy, constituant  
 mesmes vn heretique pour son Lieute-  
 nant, pour aller en guerre contre iceux  
 Catholiques & seruiteurs de Dieu, &  
 que son visage est deuenu plus noir que  
 les charbons, faisant choses abomina-  
 bles, dont le ciel en soit estonné, la ter-  
 re tremble & fremisse, la mer entre en  
 furie, & l'air soit tout couuert de nūage  
 & se cache, qui sera celuy qui ne reco-  
 gnoistra qu'il doit estre appellé le fils  
 aîné de Sathan? Et pour dire la verité,  
 il s'est grandement esloigné & retiré de  
 Dieu, banny & estrangé, & s'est rendu  
 proche du Diable, & ioinct à iceluy,  
 comme il en a donné tesmoignage, &  
 fait preuue par ses actes, comme il est  
 aysé à descouurir, mesmes par ceux qui  
 ne voyent pas beaucoup clair, qui sont  
 stupides, lourds, & qui vont à tastons,  
 comme l'on dit, en plein midy. Si bien



qu'à bon droict & sans luy faire tort & iniure, nous luy pouuons dire ce que nostre Seigneur disoit aux Iuifs, Tu as le Diable pour ton pere, & fais les œures d'iceluy, en saint Iean huietiesme. Or pourtant qu'il n'a eu aucune repentance de toutes les choses trop cogneuës au scandale & mescontentement d'vn chacun, lesquelles il a fait les continuât iusques à la mort, tant qu'il faisoit son compte de se baigner dans le sang des gens de bien, nommément des habitās de la ville de Paris, desquels il en auoit vn bon nombre escrits par nom, & surnom, des plus signalez, qui deuoient estre executez vers le troisieme Aoust, de ceste presente annee. C'est pourquoy il a meritē d'estre traitē de nostre Dieu en la façon qu'a esté vn Pharon cruel tyran, & persecuteur des enfans d'Israël peuple & seruiteurs de Dieu, duquel il a esté imitateur sans aucune misericorde & relasche. C'est qu'il a meritē d'estre endurcy, au moins que Dieu l'a priué de sa grace, ores qu'il luy ayt présenté sa grace souuentesfois, apres les excez & offenses estranges qu'il a commis as-

sez cogneuës, & lesquelles il n'est be-  
 soing de mettre en auant, & qu'il peut  
 estre pour ce regard iustement mis au  
 ranc de ceux desquels il est parlé par  
 Dauid, au Psalme 80. referant les pa-  
 roles de Dieu. Je les ay dit-il laissé selon  
 les desirs de leurs cœurs, ils chemine-  
 ront selon que bon leur semble. Item  
 il a meritë que la parole du mesme Da-  
 uid s'adresse à luy telle qu'il tient du  
 pêcheur endurcy, & delaisé de Dieu.  
 Dieu, dit-il, a esté irrité par le pêcheur,  
 d'où vient qu'il le laissera à l'abandon,  
 & fera semblant de n'auoir point sou-  
 uenance de ses fautes, au Psalme 9. Qui  
 a fait qu'ayant imité le Diable au peché  
 d'obstination & meschanceté, qu'il la  
 aussi ensuyui en cruauté, & dur traicte-  
 ment qu'il a fait des gës de bien, & sup-  
 plices estranges, souz l'ombre qu'il se  
 sont opposez à ses mauuais & damna-  
 bles desseins. Ce qu'il a fait & exercé,  
 d'autant plus cruellemēt qu'il s'est dou-  
 té qu'estant mal venu de ses subiects, il  
 ne pouuoit plus long temps regner. Si  
 bien qu'à ceste occasion bien à propos  
 nous luy pouuons accommoder & ap-  
 propriër



proprièr les paroles, que mōsieur saint  
 Iean l'Euangeliste dit du Diable, pour  
 vne pareille occasion & consideration;  
 puisques comme en plusieurs choses  
 aussi en celle-cy il l'a imité. Ces paro-  
 les sont escriptes en l'Apocalypse dou-  
 ziesme, où il est dit. Malheur sur la ter-  
 re, & sur la mer, car le Diable est descen-  
 du vers vous, ayant vn grand courroux;  
 sçachant qu'il a peu de temps. Car cest  
 Henry, se representant comme ce mes-  
 chant Diable & Sathan, & comme ce  
 tres-cruel & miserable Antiochus, du-  
 quel il est parlé au liure deuxiesme des  
 Machabees chapitre neufiesme, les  
 maux qu'il a exercé à l'endroiect de ses  
 subiects, & seruiteurs tres-fideles, ores  
 qu'il n'en ayt esté par eux occasionné  
 de les traicter ainsi, & que pour tel trai-  
 ctement il s'estoit acquis la hayne de  
 tous les gens de bien, & qu'il meritoit  
 aussi estre priué de la couronne & sce-  
 ptre, & qu'il fust chassé comme indi-  
 gne de regner, & viure en quelque lieu  
 retiré, ou bien d'estre enuoyé en exil;  
 & d'estre puny rigoureusement, selon  
 qu'il en seroit aduisé par ceux à qui il

appartient d'aduifer de telles choses. Considerant dis-ie, qu'il ne pouuoit plus gueres régner selon le droit, en tant qu'il pouuoit auoir leu ce qui est escrit en Ieremie 13. Dites au Roy & à celle qui domine, humiliez vous, affisez vous, & vo<sup>o</sup> couchez en terre: pour ce que la couronne de vostre gloire descédera de vostre chef, pour se moquer de ses sujets, a trouué plusieurs moyēs propres pour s'en seruir, afin de les travailler, si qu'vfans de tels moyens il affoiblist leurs entendemens pour les incliner, faire tomber & ranger à son party & volonté: ou bien s'il ne le pouuoit, que pour le moins il receust (comme il se persuadoit & faisoit à croire) quelque allegement & diminutiō de sa douleur, voyāt ses subiects affligez & tourmentez, & qu'il prist quelque consolation, & eust resiouyssance, voyāt iceux endurer comme les meschans ont cela de propre que de se resiouyr, quand ils ont mal fait, & se delectent es choses tres-mauuaises, au Prouerbes 2. Ce qui est manifeste & tout euident en ce cruel Empereur Neron, lequel souhaitoit que

toute la ville de Rome ne fut qu'un feu,  
 & que tous les Citoyens n'eussent qu'une  
 teste: afin qu'il les decolast tout d'un  
 coup, prenant plaisir à veoir telles &  
 semblables choses. Outre toutes les  
 choses susdites, nous remarquons qu'une  
 autre prophetie a esté accomplie en  
 nostre Henry, laquelle est tiree des es-  
 crits de Aimonius le Moine, ancien  
 Escrivain de nos Rois, lequel dit entre  
 autres choses ce qui s'ensuit. A donc, dit-  
 il, Chelderic quatriesme Roy François,  
 retourné de Turinge, où il auoit envi-  
 ron huit ans attendu la digestion du  
 maltalent de sa noblesse, fut tantost sui-  
 ui par la Dame Basine, femme de son  
 hoste, le Roy Bissin de Turinge, laquel-  
 le interogee par luy, sur l'occasion de  
 sa venue, respond ainsi. Sire ta vertu co-  
 gneuë, m'ameine icy rechercher ton ac-  
 cointance: & sçaches que quand bien  
 ie penserois trouuer au bout du monde  
 meilleur mary que toy, la difficulté du  
 voyage ne m'en retarderoit la quête.  
 Alors Childeric admirant la generosi-  
 té de ceste Princeesse, n'obstant le droit  
 d'hostelage l'espouse. Mais la premiere



nuict qu'ils furent couchez ensemble,  
 elle luy persuades s'abstenir pour l'heure  
 des priuautez de mariage, & s'en aller à  
 la porte de son palais, pour luy reuenir  
 dire ce qu'il auroit apperceu, Childeric  
 l'ayant creüe, tout espouuanté luy rap-  
 porte auoir veu passer les semblances  
 affreuses de plusieurs grands animaux,  
 comme Leopards, Licornes & Lions,  
 Bassine le reconforte & renuoye enco-  
 res deux fois, si qu'à la seconde luy ap-  
 parurent deux Ours, & des Loups, & à  
 la troisieme des chiens, & force petites  
 bestes, qui s'entre-deschiroient. L'au-  
 be du iour leuee, elle luy declare l'in-  
 tention de telles apparitions, assurant  
 la premiere prefigurer leur fils aîné, qui  
 excelleroit en puissance & vertu: La se-  
 conde leur posterité qui deuoit estre  
 fournie d'hommes forts valeureux, &  
 conuoiteux de conquerir: La troisiem-  
 e, auant monstrier par les chiens ani-  
 maux paillards, & de petire force, l'im-  
 pudique lascheté de ceux, qui sur la fin  
 obtiendroient le Royaume, & par les  
 bestes menues, la populace emancipee  
 de la crainte des Princes, laquelle par-

tisant avec les grands mutinez, s'entre-massacreroit à credit. Or qu'il ne soit ainsi que ceste vision, predictiō ou prophétie, ne soit accomplie en nostre tyrā Henry de Valois, la chose est plus claire que le iour, tant que n'auons occasion d'en douter, si nous faisons recherche de sa lasciueté desbordee, & fort lasche. Dauantage nous pouuons veoir estre exprimee en ce mesme Henry de Valois, de poinct en poinct les mœurs de Iulien l'Apostar Empereur, qu'a remarqué monsieur saint Gregoire Nazianzene, comme il est recité au seiziesme liure de l'histoire tripartite chap. deuziesme. Ce que i'ay dit ce saint personnage, pris garde sur luy, ç'a esté que ses mœurs estoient inconstâces, & qu'il estoit excessif outre mesure, car ie ne remarquois en iceluy aucun signe qui fut vtile; il auoit la teste leuee, ses espaules n'estoient arrestees, ses yeux ne faisoient que trotter & regarder çà & là furieusement, ses pieds ne pouuoient estre arrestez en place, il estoit iniurieux, cōtempteur & moqueur, il ne faisoit que rire en bouffant. Il accorderoit & nyoit en-

semblement vne mesme chose, il n'y auoit aucune raison en ses propos, il faisoit des demandes & interrogatiōs mal à propos, & respondoit aussi tout de mesmes, quād il estoit interrogé. Alors ayant veu toutes ces cōtenances & cōplexions, ie d'y tels propos. O quel mōstre nourrist la republique des Romains? Que si nous voulōs de poinct en poinct regarder les gestes & complexions de nostre Henry, nous trouuerons qu'il n'en deuoit gueres de retour à ce Iulien l'Apostat cy dessus mentionné, pour le moins depuis deux ou trois ans, qu'il est venu sur ses derniers iours, & nommément depuis le massacre des Princes par luy fait. Nous remarquerons pour la conclusion, que pour auoir telles complexions, & pour n'auoir pris garde à l'aduertissement que donna iadis monsieur S. Remy, Archeuesque de Reims, au premier Roy Chrestien de Frāce nommé Clouis, il a en fin perdu la vie, & sa couronne, ores qu'il l'eust perdue iustement auant la mort. Or cest aduertissement est tel, comme nous trouuons par escrit en la vie de ce saint personnage,



disant ainsi au fufdit Roy Clouis, par  
 esprit de prophétie, comme rempli du  
 faint Esprit, à fçauoir tout ce qui leur  
 deuoit aduenir, & à leur semence & po-  
 fterité, comment leur dite posterité par  
 fuccession agrandiroit, & gouuernerait  
 honorablement le Royaume, & exalte-  
 roit la faincte Eglise, & qu'elle auroit la  
 iouyffance de la dignité Romaine, &  
 la iouyffance de tout Royaume, qu'elle  
 obtiendrait des victoires contre les af-  
 fauts & courfes des autres nations, fi  
 d'auanture iceux ne forlignaffent de la  
 vertu, ils vinffent à delaiſſer & quitter la  
 voye & ſentier de verité, & vinffent à ſe  
 gliffer par infinis deſtours de vices, au  
 moyen deſquels la diſcipline & manie-  
 re de viure Eccleſiaſtique, eſt meſpriſee  
 & foulée aux pieds, & par leſquels Dieu  
 eſt offencé, avec ce que les Royaumes  
 ſont ruinez & deſtruits, & transportez  
 de Royaume en Royaume. Je pourrois  
 adiouter pluſieurs autres choſes parti-  
 culieres & bien remarquables, pour re-  
 preſenter les mœurs de celuy duquel  
 nous parlons: mais d'autāt que ie crains  
 d'ennuyer le Lecteur, ie m'en deporter-

ray: ores que ce fust seulement pour faire dauantage auoir en horreur la cruauté du susdit. A laquelle cōme ainsi soit que Dieu ayt voulu mettre fin miraculeusement, ne laissant la verge, & puissance du pecheur & tyran, sur le lots des bons & gens de bien, de peur qu'ils n'estendissent leurs mains à iniquitez, par les cruautéz & tyrannies du susdit: ainsi cōme remarque Dauid au Psalme 124. nous le remercirons bien humblemēt, faisans le deuoir de l'en recognoistre, au moins mal qu'il nous sera possible en bien viuant, pour auoir sa grace en ce monde, & Paradis en l'autre. Ainsi soit-il. Fait le 21. Aoust, 1589.

F I N

















